



O'ZBEKISTON RESPUBLIKASI XORAZM VILOYATI BOG'OT TUMANI HOKIMINING QARORI

Bog'ot shaharchasi, O'zbekiston ko'chasi, 18-uy

2020 -yil 19 -dekabr

2715n -son

Bog'ot shaharchasi

Хоразм вилояти ҳокимининг 2020 йил 30 ноябрдаги “Ўзбекистон Республикаси Вазирлар Маҳкамасининг 2020 йил 25 ноябрдаги “Осиё тараққиёт банки иштирокидаги “Қаттиқ маиший чиқиндиларни барқарор бошқариш” лойиҳасини амалга ошириш чора-тадбирлари тўғрисида”ги 748-сонли қарорининг ижроси ҳақида”ги 426қ-сонли қарорининг ижроси тўғрисида.

Ўзбекистон Республикаси Вазирлар Маҳкамасининг 2020 йил 25 ноябрдаги “Осиё тараққиёт банки иштирокидаги “Қаттиқ маиший чиқиндиларни барқарор бошқариш” лойиҳасини амалга ошириш чора-тадбирлари тўғрисида”ги 748-сонли ва бу юзадан вилоят ҳокимининг 2020 йил 30 ноябрдаги 426қ-сонли қарорларининг ижроси юзасидан туманда маиший чиқиндилар билан боғлиқ ишларни амалга ошириш тизимини янада такомиллаштириш, санитария жиҳатидан тозалаш тизими инфратузилмасини ривожлантириш, санитария жиҳатидан тозалашга ихтисослаштирилган давлат ташкилотларининг моддий-техник базасини мустаҳкамлаш, шунингдек, аҳолининг сифатли санитария жиҳатидан тозалаш хизматлари билан таъминланганлик даражасини ошириш мақсадида

Қарор қиламан:

1. Ўзбекистон Республикаси Вазирлар Маҳкамасининг 2020 йил 25 ноябрдаги “Осиё тараққиёт банки иштирокидаги “Қаттиқ маиший чиқиндиларни барқарор бошқариш” лойиҳасини амалга ошириш чора-тадбирлари тўғрисида”ги 748-сонли ва бу юзадан вилоят ҳокимининг 2020 йил 30 ноябрдаги 426қ-сонли қарорлари раҳбарлик ва ижро учун қабул қилинсин.

2. Вилоят ҳокимининг мазкур қарори билан:

Вилоят молия бошқармаси (М.Искандаров) вилоят экология ва атроф муҳитни муҳофаза қилиш бошқармаси (А.Қличев), вилоят “Тоза ҳудуд” ДУК (И.Рахимов) билан биргаликда кўрсатилган хизматлар учун тўловларни ундириш самарадорлигини ошириш ва ОТБнинг 3477,1 минг АҚШ доллари миқдоридаги қарз маблағининг ўз муддатида қайтарилиши бўйича чора-

тадбирлар режасини ишлаб чиқсин ва тасдиқлаш учун киритиш топширилганлиги маълумот учун қабул қилинсин.

3. Туман экология ва атроф муҳитни муҳофаза қилиш бўлими (А.Мавланов), туман “Тоза ҳудуд” ДУК (М.Сотимов) билан биргаликда:


лойиҳа доирасидаги тадбирларни самарали амалга ошириш учун зарур шарт-шароитлар яратиш, шунингдек, ОТБ ҳамда миллий қонунчилик талабларига мувофиқ зарур ҳисоботлар ва ҳужжатларнинг ўз вақтида тайёрланиши ҳамда тақдим этилишини;

лойиҳа доирасидаги тадбирларни ўз вақтида ва самарали амалга ошириш, унинг натижадорлигини таъминлаш, жалб этилаётган маблағларни ўзлаштириш жараёнида ошкораликни таъминлаш ҳамда коррупциянинг олдини олиш бўйича тегишли чоралар кўрилишини;

лойиҳа доирасида махсус техника ҳамда ускуналарга узлуксиз техник хизмат кўрсатадиган сервис марказларини қуриш учун ер майдонларининг белгиланган тартибда ажратилишини таъминласин.

4. Мазкур қарорнинг бажарилишини назорат қилиш туман ҳокимининг ўринбосари А.Куръязов зиммасига юклансин.

Боғот тумани ҳокими
вазифасини бажарувчи



Ш.Яхшибаев